


陳氏宗譜

開字號

賁川陳氏

大宗祠圖





太宗祠追遠堂記

貢堡南郊有太宗祠我陳氏八郡子姓祀

始祖唐中丞 雍公者也公字月銘唐開元二十九年

同次男野適閩而家於南劍州之沙陽里各發冲閱

數世理學名臣後先繼起龜山先生半壁宮花滿床

牙笏之讚可想見焉 明萬曆三十三年漳郡進士

九叙公泉郡進士 用賓公延郡鄉進士 源湛公

輩以固發冲荒圯率族謀所以妥先靈時貢川族屬

有舊址名巫峽者其上則豐山聳然而特立下則平

原盤綿亘而深固而且五峯羅列於前二水合歸於

左靈淑之氣凝結於斯真萬年悠久地也爰與合族  
構爲大宗祠坐乾向巽予祖 藩我公亦勩厥事焉  
落成 九敘公題其堂曰追遠書其匾曰世承 天  
寵門書陳氏大宗祠歷代表祖皆從祀焉遞年八月  
初十日子孫千億登 祠拜祭肅肅穆穆誠重典哉  
迨

國朝嘉慶十七年嗣孫孝廉樹蘭以舊祠卑陋思大其規  
率五房族衆尙經等重新鼎建煥然收觀數十年來  
增田益祭較前倍覺整齊駿奔在廟者其亦慨然興  
木本水源之思歟今夏修編譜牒思 始祖肇基之

蹟展後嗣崇奉之誠著圖作記非柳歐大手筆其孰能之予小子妄承衆命謝不敏而終不獲辭因考舊所聞而爲之記

昔



道光十九年歲次己亥仲夏暑月上浣之吉

三十八世裔孫際會謹記


光緒戊子歲


三十七世裔孫紹泉重刊

永安貢川巫峽  
大宗祠規制圖









右規制圖舊譜未刻光緒十四年戊子裔孫紹泉重刊增入

祠前石欄杆光緒八年建門首石獅十五年建左邊橫屋八植廳二光緒八年新架三植共計十一植四圍磚牆





陳氏宗譜祠堂記

雍公三十三世裔孫孔頊著 重刊

墳有記矣祖祠可無記乎祠者何卽所謂廟也古者  
王有七廟諸侯五大夫三士二蓋以人生必有死死  
則歸土形骸瘞於下其氣發揚於上焘蒿悽愴則精  
英將散必假廟以聚之故築爲宮室設爲祧隆以祭  
祀卜地以藏其魄立廟以聚其魂易曰王假有廟致  
孝享也先祖先公之靈實式憑之吾子吾孫時嘉賴  
焉是以昭穆有序長幼有分尊卑有別非祠不可祠  
立矣數百年後能保其如故乎時變世移兵火水災

能保其不毀乎祠廢而址存或近民居或遠郊野人  
湮物故又能永保百世不迷乎是必不可以無記也  
記之則知此其祖祠此某地名俾族氏人人皆知之  
卽外人亦悉知之日後肯搆者未敢遽料而作新者  
亦必有人雖然尤有慮焉所慮者不肖子孫貪厚利  
而私鬻橫暴勢豪窺脈吉而欺侵倘不付記之譜以  
壽於梨恐必至於長荆棘迷荒郊失管理以爲他人  
有此祠之所以不可無也吾子若孫其可常視之乎  
是爲記

陳氏歷代祖祠錄

陳氏大宗祠

本祠坐乾向巽在貢川巫峽本祠有屋基約二紙付  
大年公嗣孫可久大易公嗣孫步泉二家收掌本祠  
明萬曆三十三年乙巳歲十二月建己丑二十庚申日  
丁丑時鼎新建立嗣孫九叙撰大宗祠記顏其堂曰  
追遠堂題其門曰科第重光壬子科舉人裔孫三經  
立題其華表曰

世承天寵 奉祀

唐中丞雍公歷一十三代伯叔祖公神主



陞日公言二  
東西二廳以有德有言有功並捐田入祠者 配饗

本祠聯

由開元肇脈以來鍾劍浦精英奕匕聯輝道學忠貞  
光汗簡

自昭代紹隆之後環海邦孫子繩匕接武詩書文獻  
闡宗風

裔孫國元贈

歷漢唐宋於今勲著名垂盛世人文光本始  
合高曾祖而祀遠輸近篤孫枝孝思永春秋

裔孫三奇題